

Powšitkowne WOZJEWJENJA

njedźelu, 19. meje 2013

Městna za putnikowanje na Morawu hišće swobodne

Składnostnje 1.150. róčnicy přichada swjateju Cyrila a Metoda na Morawu planuje Towarstwo Cyrila a Metoda z.t. wot štwórtka do njedźele, 4. do 7. julija, putnikowanje wěriwych ze serbskich wosadow na Velehrad. Někotre městna su hišće swobodne. Štóž ma zajim, so na tutym putnikowanju wobdźelić, njech so skazanja hotela dla hač do pjatka, 24. meje, w redakciji Katolskeho Posoła přizjewi, telefonowe čisło (0 35 91) 55 02 12.

Swjedzeń za wšě wosady w Baćonju

Na woswjećenje přichada swjateju Cyrila a Metoda před 1.150 lětami na Morawu kaž tež 150lětneho wobstaća Towarstwa Cyrila a Metoda (TCM) a 150. róčnicy přenjeho wudaća Katolskeho Posoła su wšitcy wěriwi zbliska a zdaleka njedźelu, 16. junija, na džakny swjedzeń do Baćonja přeprašeni. Z nyšporom w 15 hodž., kotryž změje starobiskop Joachim Reinelt, so swjedzeń zahaji. Na farskej łuce poskići so potom pisany program za wšitke starobne skupiny. Nadrobniše informacije so hišće wozjewja.

Putniske kemše z biskopom

Na lětuše wulke serbske putnikowanje swjatki póndźelu, 20. meje, přijědže nowy Drježdžansko-Mišnjanski biskop dr. Heiner Koch. Boža mša, kotruž Radworska wosada wuhotuje, započnje so w 9 hodž. na putniskej łuce.

Ministrantska kopańca

Tradicionalny koparski turněr serbskich ministrantow budže swjatkownu wutoru, 21. meje, w Pěskecach. Započatk je w 9.00 hodž. z Božej mšu we wjesnej kapałce. Za Božu mšu je Wosadnik trěbny. Přizjewjenja přijimuju so hač do wutory, 14. meje, we Worklecach.

Spominanje na bitwu pola Budyšina před 200 lětami

Wjace hač 10.000 ludźi přisadzi před 200 lětami w bitwje pola Budyšina swoje žiwjenje. Na to budže so wutoru, 21. meje, w 19.30 hodž. w Budyskej tachantskej cyrkwi spominać. Program wuhotuja nimo orchestra Serbskeho ludoweho ansambla (SLA) a Praskeje Dwořakoweje filharmonije tež chór Budyšanow z wjace hač 80 spěwarjemi, Matthias Grünert, kotryž je přeni kantor Drježdžanskeje cyrkwyje Našeje knjenje, a młodostni šulerskeho projekta 1813. SLA wšitkich zajimcow wutrobnje přeprašuje.

Serbske kemše w Drježdžanach

Serbja, jich přiwuzni a přećeljo su wutrobnje přeprašeni na serbske kemše njedźelu 26. meje, we 18 hodž. do cyrkwy swjateho Antonija w Drježdžanach Löbtauwe, Bünauska dróha 10. Božu mšu woswjeći farar Gabriš Nawka. Prošu přinjesće sej Wosadnik sobu. Po kemšach zetkamy so k bjesadze na farje.

M. Bubnarjec

Mejski nyšpor w Smječkecach

Přeprašamy wěriwych z wokolnych wsow na tradicionalny mejski nyšpor wutoru, 28. meje, w 19 hodž. do parka Domu swjateho Jana w Smječkecach. Wot 16 hodž. móža sej zajimcy našu nowu swjedžensku halu wobhladać a mejemjetanje našich wobydlerjow dožiwić. Wječor zapiskaja Chróšćancscy muzikanća. Rady wšitkich pola nas powitamy a pohosćimy.

Tadej Šiman, nawoda

Nalětni koncert w klósterskej zahrodže

W klósterskej zahrodže w Pančicach-Kukowje wuhotuje chór Lipa zhromadnje z Drježdžanskim chórom Vocalensemble Slavica njedzelu, 26. meje, swój tradicionalny nalětni koncert. Započatk je w 15.30 hodž. Hižo wot 15.00 hodž poskići so kofej a samopječeny tykanc. Wšitcy su wutrobnje do krasnje kćějaceje zahrody přeprošeni.

Putnikowanje młodžiny biskopstwa

Putnikowanje młodžiny Drježdžansko-Mišnjanskeho biskopstwa zahaji so sobotu, 25. meje, w 14.30 hodž. w klóštrje Marijinej Hwězdze. Nazajtra, njedzelu, 26. meje, w 11.00 hodž. je putniska Boža mša w hnadownej cyrkwi w Róžeńće, kotruž woswjeći biskop Heiner Koch. Dalše informacije k putnikowanju su w interneće pod www.kathjusa.de wozjewjene.

Swójbne popołodnjo na Kukowskim hrodzišću

Dekanatne dušepastyrstwo přeprošuje njedzelu, 9. junija, na swójbne popołodnjo na Kukowske hrodzišće. Započatk je w 14.30 hodž. z nyšporom.

Putniska jězba do Lourdesa, Neversa a Flüeli

Pučowanski běrow ATeams poskićuje wot srjedy do štwórtka, 25. septembra do 3. oktobra, putnisku jězbu z busom do Lourdesa, Neversa a Flüeli. Duchowny nawod změje farar Andrzej Glombitza z Leutersdorfa. Šoferka budže Cordula Lešawina. Dalše informacije poda a přizjewjenja přijimuje Andreas Thomas w Šerachowje, Cyrkwinska hora 1, telefonowe čisło (0 35 92) 3 58 98 55. Wjace pod www.ateams.de

Pěši do Częstochowy

Tež lětsa pozbudža farar Beno Jakubaš, so w serbskej skupinje na putnikowanje z Waršawy do Częstochowy podać. Hić smě kóždy sobu, kotryž je 18. žiwjenske lěto docpěł. Termin putnikowanja je wot 5. do 15. awgusta. Zajimcy njech so hač do njedzele, 30. junija, přizjewja pola fararja Bena Jakubaša w Njebjelčicach, telefonowe čisło (0 35 78) 30 20 05.

Putnikowanje do Krupki

Na pěše putnikowanje do Krupki su młodostni ze wšěch wosadow tež lětsa zaso přeprošeni. Procesion woteńdže njedzelu, 28. julija, z Chróścic a wróci so pjatk, 2. awgusta. Zajimcy měli so w Chróścicach na farje přizjewić, telefonowe čisło (03 57 96) 8 04 00. Boža mša w Krupce budže srjedu, 31. julija, w 10 hodž.